



DASAR CUKAI PERKHIDMATAN BIL 1/2024

**PENETAPAN TARIKH PENGENAAN CUKAI PERKHIDMATAN KE ATAS
PERKHIDMATAN BERCUKAI BAHARU**

1. Selaras dengan subseksyen 10(2), Akta Cukai Perkhidmatan 2018 (ACP 2018), berkuat kuasa mulai 1 Mac 2024, Menteri Kewangan telah menetapkan kadar cukai perkhidmatan dinaikkan daripada 6% kepada 8% ke atas semua perkhidmatan bercukai sedia ada kecuali:
 - 1.1. Perkhidmatan makanan dan minuman;
 - 1.2. Perkhidmatan telekomunikasi; dan
 - 1.3. Perkhidmatan penyediaan ruang letak kenderaan.
2. Perkhidmatan kad kredit dan kad caj kekal pada kadar spesifik RM25/setahun.
3. Selaras dengan seksyen 8, ACP 2018, berkuat kuasa mulai 26 Februari 2024, Menteri Kewangan telah menetapkan perkhidmatan berikut menjadi perkhidmatan bercukai:
 - 3.1. Perkhidmatan pusat karaoke di bawah Kumpulan C pada kadar 8%;
 - 3.2. Perkhidmatan penyenggaraan atau pembaikan di bawah Kumpulan G (Butiran 13) pada kadar 8%;
 - 3.3. Perkhidmatan pembrokeran dan penajajaminan untuk perkhidmatan selain kewangan di bawah Kumpulan I (Butiran 12) pada kadar 8%; dan
 - 3.4. Perkhidmatan logistik di bawah Kumpulan J (Butiran Baharu) pada kadar 6%.
4. Bagi **orang berdaftar sedia ada** yang menyediakan perkhidmatan sedia ada, tarikh pengenaan cukai perkhidmatan pada kadar baharu (8%) adalah pada **1 Mac 2024**.
5. Menteri Kewangan telah menetapkan tarikh pengenaan cukai perkhidmatan ke atas perkhidmatan bercukai baharu di perenggan tiga (3) di atas adalah seperti berikut:
 - 5.1. Bagi **orang berdaftar sedia ada** yang menyediakan perkhidmatan bercukai baharu seperti di perenggan tiga (3) yang bertanggung untuk menambah pendaftaran perkhidmatan bercukai baharu tersebut pada Februari 2024 –
 - i. Penambahan perkhidmatan baharu adalah dalam tempoh **26 Februari 2024 hingga 29 Februari 2024**;

- ii. Tarikh pengenaan cukai perkhidmatan adalah mulai **1 Mac 2024**; dan
- iii. Diberi pengecualian daripada mengenakan cukai perkhidmatan melalui kuasa Menteri Kewangan seperti berikut:
 - a. Penerima perkhidmatan bercukai baharu dikecualikan daripada membayar cukai perkhidmatan bagi tempoh **26 Februari 2024 hingga 29 Februari 2024** selaras dengan perenggan 34(3)(a), ACP 2018; dan
 - b. Penyedia perkhidmatan bercukai baharu oleh orang berdaftar sedia ada dikecualikan daripada mengenakan cukai perkhidmatan bagi tempoh **26 Februari 2024 hingga 29 Februari 2024** selaras dengan subseksyen 34(4), ACP 2018.

5.2. Bagi **orang kena cukai perkhidmatan bercukai baharu** seperti di perenggan tiga (3) yang bertanggung untuk berdaftar pada Februari 2024 –

- i. Permohonan pendaftaran perkhidmatan baharu adalah dalam tempoh **1 Mac 2024 hingga 31 Mac 2024**;
- ii. Tarikh pengenaan cukai perkhidmatan adalah mulai **1 April 2024**; dan
- iii. Diberi pengecualian daripada mengenakan cukai perkhidmatan melalui kuasa Menteri Kewangan seperti berikut:
 - a. Penerima perkhidmatan bercukai baharu dikecualikan daripada membayar cukai perkhidmatan bagi tempoh **26 Februari 2024 hingga 31 Mac 2024** selaras dengan perenggan 34(3)(a), ACP 2018; dan
 - b. Penyedia perkhidmatan bercukai baharu oleh orang berdaftar baharu dikecualikan daripada mengenakan cukai perkhidmatan bagi tempoh **26 Februari 2024 hingga 31 Mac 2024** selaras dengan subseksyen 34(4), ACP 2018.

Penafian:

Dasar cukai perkhidmatan yang dikeluarkan ini adalah tertakluk kepada pindaan sekiranya terdapat apa-apa perubahan dasar yang berkaitan.

BAHAGIAN CUKAI DALAM NEGERI
IBU PEJABAT KASTAM DIRAJA MALAYSIA, PUTRAJAYA